

Ո Ր Ո Շ ՈՒ Մ

Վարչական բողոքը մասնակի բավարարելու, ճանապարհային ոստիկանության վարչական տույժ նշանակելու մասին թիվ 1707035086, 1707027675, 1707027627, 1707001485

որոշումները բեկանելու, իսկ թիվ 1707001485, 1707016045, 1707037392, 1707036842

որոշումներն անփոփոխ թողնելու մասին

<<22>> 11 2017թ. 12-4-17258-17/12-9-654

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով <<Ակտի գրուպ>> ՍՊԸ տնօրեն Գոռ Գրիգորյանի 14.11.2017թ. գրության քննարկման արդյունքում ստեղծված նյութերը՝

Պ Ա Ր Զ Ե Ց Ի

<<Ակտի գրուպ>> ՍՊԸ տնօրեն Գոռ Գրիգորյանը (ծանուցման հասցեն՝ քաղաք Երևան, Արամի 80) 14.11.2017թ ճանապարհային ոստիկանությանը հասցեագրված գրությամբ խնդրել է վերանայել ճանապարհային ոստիկանության վարչական տույժ նշանակելու մասին թիվ 1707035086, 1707027675, 1707027627, 1707001485, 1707001485, 1707016045, 1707037392, 1707036842 որոշումները՝ նշելով, որ իրավախախտումների պահին ավտոմոբիլը գտնվել է ճանապարհային ոստիկանության կողմից ուղեկցվող ավտոշարասյան կազմում:

Դիմումի քննարկման արդյունքում պարզվել է, որ բեկանման է ենթակա թիվ 1707035086, 1707027675, 1707027627, 1707001485 որոշումները, քանի որ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 26-րդ կետի համաձայն՝ կապույտ գույնի առկայծող փարոսիկը միացրած տրանսպորտային միջոցների վարորդները, անհետաձգելի ծառայողական առաջադրանքներ կատարելիս, ապահովելով երթևեկության անվտանգությունը, կարող են չպահպանել կանոնների II (բացի կարգավորողի ազդանշաններից), V-XVI, XIX և XXI բաժինների պահանջները: Երթևեկության մյուս մասնակիցների նկատմամբ առավելություն ստանալու համար նրանք պետք է միացնեն կապույտ գույնի առկայծող փարոսիկը և հատուկ ձայնային ազդանշանը, որը բարձր և ցածր ձայնային երանգների հերթականությունն է ու տարբերվում է տրանսպորտային միջոցների ձայնային ազդանշաններից: Այդպիսի տրանսպորտային միջոցների վարորդներն առավելությունից կարող են օգտվել միայն համոզվելով, որ ճանապարհին իրենց զիջում են: Այդ իրավունքից օգտվում են նաև այն վարորդները, որոնց տրանսպորտային միջոցներն ուղեկցվում են կապույտ և կարմիր գույների առկայծող փառոսիկներ և հատուկ ձայնային ազդանշան միացրած տրանսպորտային միջոցներով:

Համաձայն ճանապարհային ոստիկանության ուղեկցող սպայական վաշտի հրամանատարի կողմից 20.11.2017թ. տրված տեղեկանքի՝ 13.10.2017թ., 16.10.2017թ., և 17.10.2017թ. ՃՈ ուղեկցող սպայական վաշտի անձնակազմի կողմից՝ ԱՄՆ-ից ժամանած բարձրաստիճան հյուրերին ուղեկցող ավտոշարասյան կազմում գտնվել է <<MERCEDES-BENZ>> մակնիշի 01GA001 հաշվառման համարանիշով տրանսպորտային միջոցը:

Այսպիսով հիմնավորվում է նշված տրանսպորտային միջոցի վարորդի կողմից իրավախախտումները վերը նշված իրավանորմով սահմանված վիճակում կատարելու փաստը, ուստի նրա արարքում բացակայում է մեղքը, հետևաբար առկա է զանցակազմը:

Ինչ վերաբերում է թիվ 1707001485, 1707016045, 1707037392, 1707036842 որոշումներին, ապա դրանք օրինական են, իրավաչափ, և անվավեր ճանաչելու որևէ հիմք առկա չէ, քանի որ իրավախախտումներն արձանագրվելու պահին <<MERCEDES-BENZ>> մակնիշի 01GA001 հաշվառման համարանիշի տրանսպորտային միջոցը չի գտնվել ԱՄՆ-ից ժամանած բարձրաստիճան հյուրերին ուղեկցող ավտոշարասյան կազմում, ուստի այդ որոշումները վերանայման ենթակա չեն:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1707035086, 1707027675, 1707027627, 1707001485 որոշումները բեկանել և վարչական իրավախախտումների վերաբերյալ գործերը կարճել:
2. Ճանապարհային ոստիկանության վարչական տույժ նշանակելու մասին թիվ 1707001485, 1707016045, 1707037392, 1707036842 որոշումները թողնել անփոփոխ, իսկ վարչական բողոքը՝ դրանց վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Գոռ Գրիգորյանին և ՃՈՒ ՏՄՀԽԱ կենտրոն:



Ե.Կարապետյան